

پرورگرام : ایم۔ اے۔ کشمیری

سمسٹر : ترتیم

کورس کورڈ : MKR-C303

کورسک ناو : ڈراما

لیکھن وول : ڈاکٹر علی محمد ڈار

موضوع : سیاتہ ژھائے ڈرامہک تقابلی تجزیہ

”سیا“، ”سیاتہ“، ”ژھائے“ دوشوے ڈرامہ چھ کا شر ڈرامچہ ز اہم میلہ کنہ۔ یہ چھ قابلہ غور ز دون مختلف لکھارین ہندین دون مختلف تحریکن تل لیکھنہ آمتی ز ڈرامہ چھ ملہ تلہ زمانہ شناسی ہنداکوے پتور ہاوان۔ حالانکہ انداز چھکھ بیون بیون۔ دوشوے چھ توار تخس بٹھ رٹھ شہد تھ تار ناوان۔ تھ اسہ پنن زمانہ زیاد بہتر پاٹھی سچھنہ سیہ۔ تھ پاٹھی برو نہہ تہ اشار دیت ز دوشوئی ڈرامہن ہند بیادی واقعہ چھ اکی توار تخہ یعنی کلہن سنز راج ترنگنی منزاخذ کرنہ آمت۔ مگر ژھائے ڈرامہکہ واقعک ز کر پیتہ اتھ منزمہم آیہ کرنہ آمت چھ تہ چھ ”سیا“ سنز ز کر اتھ منز ہنا تفصیلہ سان میلان۔ مگر دوشوئی ڈرامہ نگارن ہند مقصد چھنہ مورخس کا نہہ کوتاہی یا کھنڈ کڈنی نہ چھ ہند مقصد اس مورخہ سندس موادس کا نہہ ہر بر کرن یا کا نہہ وضاحت کرنی۔ غرض یم دوشوے ڈرامہ نہ چھ توار تخ دو ہراونہ خاطر لیکھنہ آمتی تہ نہ چھ یم کا نہہ توار تخی دستاویز بلکہ چھ یم منزم سارے فنی خوبیہ نظر گرھان یم اتھ فلکشن بناوان چھ۔ یم دوشوئی ڈرامہن منزم چھ توار تخک ماری موند سنگم۔ مثلن توار تخس منزم چھ ’للتا دتیہ‘ بحیثیت اکھ فاتح بادشاہ۔ تسنن کینز چھن جنگی مہمن ہنز ز کرتہ چھ کرنہ آمت۔ تہ آخری مہمہ متعلق اشارہ تہ چھ۔ مگر ڈرامہس منزم چھ یہ آخری مہم مختلف منظر ہیتھ اسہ برو نہہ کن یوان۔ اسی چھ فوجی ین چاروا ین تہ مختلف فوجی سردارن ہنز کشکش پنہ نیوا چھو و چھان۔ تھ پاٹھی چھ ”سیا“ سند کارنامہ ونہ بجایہ ہاونہ آمت۔ غرض دوشوئی ڈرامہن منزم چھ پتھ کال اسہ برو نہہ زند سپد مت تہ یہ سورے چھ توار تخس ستر تخلیکچہ اڈرنہ ستر ممکن سپد مت۔ ”سیا“ ڈرامہس منزم سیا سنز ازدواجی زندگی تہ چندر کا نتایہ ہند کردار چھ ڈرامہ نگار سند تخلیق کئے پاداوار۔ ”ژھائے“ ڈرامہس منزم چھ ژندر تہ بھوپت بیتر ڈرامہ نگارن پنہ تصور کنی اڈی متی۔ توار تخس پسہ منظرس منزم لیکھنہ آمتی یم دوشوے ڈرامہ ہر گاہ کشیر ہنز قدیم کالی زندگی ہند جلوتہ چھ ہاوان تہ کرتھ تہ چھنہ تخلیکچہ اڈرنہ ستر یم ہندی موضوع وقتہ کس چوکاٹھس منزم قادتہ نہ چھ زمینی حد بندی ہندی آویز۔ بلکہ چھ یم مقامی سوٹھرس پیٹھ تھود و تھتھ تہ فکرو حد ژٹھ انسانی عظمتس تہ صورتحالس دایراوان۔ توار تخ نویس تہ تخلیقی فن کارس چھ یہے فرق ز اکھ چھ صرف واقات

درج کران تہ بیاکھ چھ یمن واقعن منز آفاقی عنصر تلاش کرتھ انسانی جذبہ تہ احساسن ہند رنگہ آرت بناوان۔

”سیا“ تہ ”ژھائے“ دو شوے یودوے تواریخی پسہ منظرس تحریر چھ آمتی کرنہ تہ موضوع تہ ہر گاہ و تھری پوٹھی پاٹھی نکھ نکھ چھکھ مگر تھیمہ ہندین کرشمن پیٹھ پڑھ دران تہ ژھایہ منز چھے یمن کرشمہ کرنہ کین طاقتن پیٹھ پڑھ پھٹان۔ سیاہس منز چھ مرکزی ڈرامائی نوقطہ یہ ز نام نہاد نچہ ذآ ژ ہند انسان ہیکہ تہ کرتھ یہ تھد خاندانکو فرد ہیکن نہ کرتھ۔ یعنی ’عقل‘ تہ گاجار چھنہ فقط بڈ طبقک میراثہ ہیکہ لیمبہ منز تہ لال نیرتھ تہ سماجکہ پسماندہ طبقہ منز تہ ہیکن گاٹو لوکھ ووتتھ مگر تہنز صلاحیت پھانپھلن تیلی بیلہ تمن مناسبہ موزون موقعہ فراہم بیہ کرنہ۔ سیا چھ سماجکہ تھی طبع نمایندگی کران تہ راز اونتی ورن من چھ اتھ لالس پرزناوان۔ اتھ چھ ڈرامہ نگار سند مفروضہ یہ ز تھدی خاندانی طبقن چھ سماج پنٹس دباوس تل روٹمت۔ حالانکہ تمن چھنہیہ نم طبقہ دباوتھ تھا ونہ علاو کہنہ تہ مفاد۔ امہ سببہ چھ ضروری ز سماجکہ یہ نم طبقہ بیہ بروٹھ کن اننہ تہ رہبری بیہ تہ حوالہ کرنہ تہ یمن طبقن بیہ سہ آبروے واپس کرنہ یمن مہتھ نہ آمت چھ۔ یتھ پاٹھی چھ یہ ڈرامہ انسان دوستی تہ انسانی مساواتکس جذبس گوڈبران۔ یہ چھ پزی پاٹھی ہم کال زندگی ہند اکھ اہم مسلہ۔ امہ لیحاظہ ہر گاہ وچھو ژھائے ڈرامہس منز تہ چھے اکہ حسابہ معمولی سپاہ ژندر سندین اندیشن تہ وسواسن ہنز ویشھنے کرنہ آمت۔ یا نو بیہ ز امہ ڈرامہ کس مرکزس منز تہ چھ۔ یتھ اکھ فرد یس شری بیہ لیحاظہ و سہ پایہ چھ۔ وونی گوویہ تہ چھینہ تمس کن کرشمہ منسوب کرنہ آمت۔ وونی گوواتھ منز چھنہ یتھ کتھ پیٹھ زور ز سپاہ ژندر چھ کم پایہ شری بیٹک بلکہ بقولہ پروفیسر رتن لال شانہ۔

”زور چھ یتھ کتھ پیٹھ کہ یسندین چنتکارن ہند ماحول تیار کرنہ آمت اوس تسندی حواری چھ چنتکارک ٹھابہ پھٹراوان۔ تہ بیلہ پڑھ پھٹان چھے سوچھے نہ لوکٹس تہ بڈس، اصلس تہ کم ذاتس، خاندانس تہ نچس منز کہنہ تہ فرق کران۔ ژوپاری وولنہ آمت شیطانی واو طوفان چھ اکہ امانہ سارنے وڈراوان۔ محال موتھ تہ سو تیمو زندگی ہندس واوکونڈلس منز پھسے متی انسان چھ اوندرونی کشکش تہ بیرونی لاچاری منز ووان۔ یہ بے برو سہگی تہ لاچاری چھے ڈرامہس منز گوڈ پیٹھ اُخرس تام موجود۔ کیمو سنز نظر چھے تواریخی پسہ منظرس منز جدید سوچ لگاری ویشھناوان۔“

برونہ پہن آونہ ز دو شوئی ڈرامہن منز چھ اکہ نتہ پیہ رنگہ دون بیون بیون کردارن ستر کرشمہ منسوب۔ اکس منز سیاہس کن تہ دو بیس منز بادشہس کن۔ سیاہس متعلق چھ گوڈے ظاہر سپدان ز سہ چھ غار معمولی نفر۔ خاص پاٹھی چھ ماجہ تہ تسندس گورس بروٹھے پے زیہ لڑکے کر بلنغ سپد تھ کانہہ معجزہ تہ عام لوکن دیا و بوچھ نش نجات۔ تی چھ سپدان۔ ژھائے ڈرامہس منز تہ چھ بادشاہ سندین غار معمولی طاقتن ہنز کتھ۔ مگر سیا ڈرامہس چھ سیاہس متعلق یہ ونہ آمت۔ مگر سیا چھ کرشمانی ثابت سپدان بیلہ زن اللات تہ ہس متعلق یہ بریم

پُھٹان چھ۔ سِیا ڈرامہکہ دلچسپی ہندو بیادی نقطہ چھ یہ زِسیا گروہیا پننس مقصدس منز کامیاب تہ ژہاے ڈرامہس منز چھے اصل دلچسپی تہ کتھ منز ز ژندریا واپس کنہ نہ۔ تہ پانھی ہیکو اسی ونتہ ز گوڈنکہ ڈرامہک مراز چھ کو میدی ہندتہ دویمہ ڈرامہک مراز تہ ماحول چھ تریجڈی ہند۔ حالانکہ ژندر چھ اُخرس بچان مگر یس صورت حال تُمس تہ چھ یوان سہ چھ خوفناک تہ ہابتناک۔

دوشوئی ڈرامہن منز چھے بیا کتھ تہ مشترکہ۔ دوشوئی ڈرامہن منز چھ فطرتکین عنصرن ہند دخل۔ ژہاے ڈرامہس منز چھ یہ دخل زیادے پہن۔ اتہ چھ ڈرامائی کردار گوڈنکہ ایکہ پیٹھے فطرتس ستر متصادم۔ فطرت چھے گوڈ پیٹھے تہ پانھی پننن تہ ہاوان ز گوڈے چھ باسان ز یہ ہم سپد نہ شاید کامیاب۔ دویمس ایکٹس منز چھے فطرتس بلکل تہ پھر سپدان۔ سِیا ڈرامہس منز چھے یہ فطرت سہلا بکس صورتس منز بروٹھ کن یوان۔ پیتہ تہ چھ ڈرامہک اہم کردار سِیا فطرتس ستر برسر پیکار۔ مگر ژہاے ڈرامہس برعکس چھے پیتہ فطرت مغلوب سپدان۔ فطرتک یوت دخل آسنہ کنی چھ یینہ گو پیٹھے باسان ز یمن دوشوئی ڈرامہن ہند نتیجہ زننہ بروٹھے طے سپدمت۔ مطلب چھ یہ زاسہ چھ گوڈے باسان ز یمن ڈرامہن ہندا اقسام کیتھ آسہ۔ فطرتہ کہ مدتہ چھ دوشوئی ڈرامہن منز تہ فضا تہ ماحول تیار کرنہ امت ییمہ ستر ییم پننس مقرر اقتدس کن پکان چھ۔

اگر اسی دوشوئی ڈرامہن ہندی اہم کردار وچھو۔ تمن منز تہ چھ کینہہ دلچسپ ہشتر تہ پھیر نظر گروہان۔ مثلن بادشاہ سند کردار چھ دوشوئی ڈرامہن منز۔ مگر یمنز اہمیت چھے الگ الگ۔ سِیا ڈرامہس منز چھ اونتی ورن سند کردار تہ یس انصاف پرور رعایا پرور چھ۔ سہ چھ نظر باز تہ لعل شناس تہ تُمس چھے سماجی بجائی ہنز کل۔ سہ چھ تُمس فردس پننہ صلاحیت ہاونک موقعہ فراہم کران تیس سند وزیر موت و نان چھ۔ ڈرامچہ ٹیکنیکہ حسابہ تہ چھے تہس یہ اہمیت ز سہ چھ ڈرامہس منز پانہ موجود تہ سِیا سنز عملہ باپتہ چھ سند کردار امدادی بنان۔ سِیا یہ کینزہا کرشمہ ہاوان چھ سہ چھ اونتی ورن سنزی دریا دی ستر ممکن۔ مگر امہ باوجود تہ ہیکون نہ سہ حاوی کردار ماننہ۔ تہ نہ چھے ڈرامہ نگارن تُمس امہ حسابہ اہمیت دژ مژ۔ اتہ برعکس چھ ژہاے ڈرامہک لئنا دتہ اکہ الگ قسمک کردار۔ تہ پانھی چھ اتہ ڈرامہس منز لگ بگ ساری عملہ ہندرموٹ کنٹرول تہ اتہ۔ تکیا ز جنگی مہمہ پیٹھ نیرن چھ سندے فرمان۔ تہ نہ ادلابدی گروہتہ ہیکہ۔ حالانکہ شہر کی زٹھ تہ راز ماتا تام چھ تُمس یہ مہم ملتوی کرنہ باپتہ التجا کران مگر راز چھ پننس فاصلس پیٹھ بضد۔ امہ حسابہ اگر وچھو اتہ ڈرامہس منز یہ تہ صورت حال باقی کردارن تہ یوان چھ تمیک اصل وجہ چھ راز تکیا ز تہند تقدیر چھ راز سندس فاصلس ستر گندتہ۔ تہ پانھی چھ اسی سند کردار اونتی ورنس مقابلہ نہ صرف اٹل ارادہ وول بلکہ چھ یہ ہٹ درم تہ۔ یہ چھنہ اونتی ورن سندری پانھی رعایا پرور تہ ہمدرد باسان۔ دویم اہم کتھ چھے یہ ز ڈرامہس منز پرتھ گنہ جایہ عملہ منز غار موجود آسنہ باوجود چھے اسی سنز موجودگی پرتھ جایہ محسوس سپدان۔

ساری کھوتہ اہم پھیر چھ یمن دوشونی کردارن منزیتہ زمین منز چھ اکر سندس انجام سورخ رویی تہ پیہ سندا انجام قتل۔ یعنی اکھ چھ پنہ فہمہ ستر نہ صرف پنہ تہ ”سیا“ سند خاطر شادمانی ہند وجہ بنان تہ بیا کھ چھ اکھ پنہ نین فوجی ین ہنز تباہی ہند تہ وجہ بنان تہ دویم تمین ہند اتھ قتل تہ سپدان۔ ’ژھائے ڈرامہس منز چھ راز سند کردار غار موجود آسنہ کئی دلچسپ تہ بنیومت تہ باضے چھ باسان ز ڈرامایی عملہ منز پراثر دخل آسنہ سببہ ماچھ سے امہ ڈرامہک اہم کردار۔ مگر یہ چھنہ صحی تکیا ز ڈرامہس منز چھ پرین والین ہنز سارے ہمدردی ژندرس کن نہ ز راز لتا دتیہ ہس کن۔

بیا کھ اکھ کردار لیس دوشونی ڈرامہن منز نظر گزھان چھ سہ چھ ماجہ ہند کردار۔ سیاہس منز چھ ماجہ ہند کردار سیٹھاہ اہم تہ نمایاں تہ ژھائے ڈرامہس منز چھ ماجہ ہند کردار صرف اکھ ذیلی کردار۔ سیاہس منز چھ یہ کردار ڈرامایی عملہ منز لگ بگ اندوند پیہ چھ عملہ تہ متاثر کران یعنی امس کردار س چھ عملہ منز تہ گنہ حدس تام دخل۔ مگر ژھائے ڈرامہس منز نہ چھ یہ کردار عملہ پیٹھا اثر انداز سپدان تہ نہ چھ گوڈنکہ ایکٹہ وراے باقی ڈرامایی عملہ منز موجود۔ یہ کتھ چھ دلچسپ ز دوشونی ڈرامہن منز چھ یہ مآج ڈرامہ کس اہم کردار سنز مآج۔ وونی گوڈیہس منز چھ باضے امس ماجہ ہند رول سیاہس کھوتہ زیادہ اہم باسان۔ پروفیسر ہری کرشن کول چھ پیہ کتھ یمن لفظن منز تحریر کران۔

”گنہ ساعتن چھ باسان ز تسنر (ماجہ ہند) رول چھ ”سیا“ سند کھوتہ تھود۔ ڈرامہ نگارن چھ تس منز تم وصف ہادو متز ز سوچھے نہ بیہمہ لوکچ مخلوق باسان۔ سہ چھ بالافطری کردار سند بریم پاد کران۔ تہ بیٹھ پاٹھو چھ یہ کردار بیٹھ ڈرامہس اسطوری سو تھرس پیٹھ وانا تھ نوان۔“

”سیا“ ڈرامہس منز چھ سیاہس سند کارنامہ دراصل ماجہ ہندین خابن ہند تاہیر۔ سیاہس کا میا بی منز چھ سو برابر شریک۔ اتھ برعکس چھ ’ژھائے ڈرامہس منز ژندرس منز مآج ژندرس پنہ منشہ مطابق عمل کرناونس منز نا کام سپدان۔ سوچھے پنٹس کئس اولاد ژندرس اتھ مہمہ منز شامل نہ گزھنہ خاطر زار پار کران۔ اتھ چھ وجہ ژم سند خاندان چھ امہ بروہنہ یڑھے اکس جنگلی مہمہ منز رحمت حق سپدمت آسان۔ سیاہس مآج چھ سیاہس پنٹن سو کھ مشرتھ اجتماعی سو کھ خاطر تیار کران بیلہ زن ژندرنی مآج اجتماع مشرتھ ذاتی سو کھس متعلق فکر مند چھ آسان۔ سیاہس مآج چھ بیہمہ لیجاظہ اکھ مثالی کردار تہ تکیا ز ڈرامہس منز چھ اندوند کی مزا تہ کی انداز بروہنہ گن یوان۔ سوچھے نیک تہ رژ۔ لوچ تہ قچ پیکر۔

گلکس پیٹھ ہے وچھو ”سیا“ ڈرامہکو اکثر کردار چھ اکہ ننتہ پیہ رنگہ سیاہس سند کردار زیادہ نمایاں پاٹھو ووتلاونس منز مدتھ کران۔ یمن کردارن

ہنزاہمیت تہ افادیت چھے یہ زیم چھہ یہ ڈرامہک جذباتی فضا ووتلاونہ خاطر لازمی۔ ”ژہاے“ ڈرامہس منز چھہ اتھہ برعکس لوتہ وائے سطحکو کردار۔ سیاہس ہیکو پنڈیو مثالی کردار وکنی کرداری ڈرامہ ونتھ مگر ژہاے۔ یتھ ڈرامہ گنزر ن چھہ غلط۔ سیاہس منز یہ کیشوہا خر س سپدان چھہ تمیک سورے سجر چھہ سیاہس گزہان۔ مگر ژہاے ڈرامہس منز چھہ اخرس پرتھہ کا نہہ لوگٹ بوڈ کردار پنڈہ پنڈہ رنگہ ہوو پاتھو متاثر سپدان۔ امرالموہی چھہ امہ ڈرامہکین کرارن متعلق ونان۔

”ساری کردار چھہ پنڈہ پوت منظر منز پنڈہ نفسیاتی تہ سماجی انفرادی بڑسان زاین لبان۔ بڈ چھے موج لیس فقط پنٹس پوتر سند لول تہ ژکھ چھہ آسان۔ سروجن متر چھہ اسنک تہ ملہ اڑک ژکھی در۔ راج گرو چھہ تمن لوکن ہند نمایندیم ما فوق الفطری تہ مذہبی بنیادن پیٹھ پنڈہ کھو چھہ عنایت تراوتھ دنہ خاطر کانسہ تمس شخصس آے کانچھان چھہ لیس سہ کانہہ سسٹم بارسس انہ تیمکو تم نکھ ڈکھ آسن۔ وردھمان تہ بھوپت سند ساری کھوتہ بوڈ المیہ چھہ یہ زتم دوشوے چھہ راز لتا دتہ سندری بے حد و وفادار بلکہ چھہ نہ مللکو، یا لوکن ہندری یا اصولن ہندری و وفادار۔“

دوشوئی ڈرامہن ہندین اہم کردارن متعلق آو برو نہہ تہ ونہ۔ پتین چھہ یہ ون کافی ز سیاہس سند کردار چھہ سیاہس ڈرامہک روج۔ اتھ ڈرامہس اگر کرداری ڈرامہ تہ ونو غلط گزہ نہ۔ یہ کردار چھہ لگ بگ تمی پیمانک یتھ پاتھو تو ارتخن منز ہاونہ امت چھہ۔ اتھ برعکس چھہ ژہاے ڈرامہک ژندر امس مقابلہ اکہ عامیانہ شخصیتک کردار۔ ژندر چھہ سہ اکھ نوجوان لیس ساری سے شکلو نظر وچھان چھہ۔ سہ چھہ پنڈہ ائی پڑھ ہندس سو درس منز ہینہ یتھ تہ پنڈہ آہ پزرزان یرٹھان۔ سہ چھہ کھوژ مت تہ کسند المیہ چھہ تمسند گنہ خطا ہک نتیجہ بلکہ چھہ یہ یتھ اکہ اجتماعی سوچک نتیجہ لیس سیٹھاہ غار معقول چھہ۔ ژندر سندس کردارس منز چھہ بیمہ دورک نوجوان نظر گزہان لیس گنہ کتھ پیٹھ محض بوز نہ کنیوت پڑھ چھہ کران، بلکہ چھہ سہ ویتراونہ کنی پڑھ کران۔ تمسند کردار ذریعہ چھہ ڈرامہ نگار صرف ائی پڑھ ہند اجتماعی مرثیہ لیکھان بلکہ چھہ سہ انفرادی پڑھن تہ ٹاس دوان۔ انسان سند المیہ چھہ یہ ز پڑھ سوری سوری تہ چھہ گاسہ کرچن تھہ دتھ پننن پان پیر گزہنہ نش بچا و نچ جد جہد کران۔ یمن دوشوئی ڈرامہن منز ہر گاہ بنیادی واقعہس را چھہ کر نہ چھے آمز مگر سیاہس ڈرامہ خاطر اوس یہ طریقہ کار سیاہس کردار نظر تل تھو تھ ضروری سیاہس لکھاری ہیکہ ہے نہ نوٹشریک خطر تلتھ۔ یہ اوسنہ ضروری زسہ ہاوپے سیاہس کمزور کردار مگر یہ اوس ضروری زسہ کر ہے امہ کردار چ پور پاتھو ویرٹھنے تہ اتھ منز چھہ ڈرامہ نگار کامیاب سپد مت۔

ہر گاہ وچھو دوشوئی ڈرامہن منز چھے مکالمن منز زبان کردارن ہند پسہ منظر مطابق تہ سماجی منصبہ مطابق استعمال آمز کرنہ۔ ژہاے ڈرامہکو کردار چھہ سپاہ تم ورتا وین تھوے زبان تہ سیاہس ڈرامہس منز چھہ اتھ برعکس ”سیا“ تہ چنڈاج، کم زیاد پنٹس اسطوری فضاہس

منزے تمہ سببہ چھ تہنزبان زیاد شیرتھہ تہ چست باسان۔ یوتام زن دوشونی ڈرامہن ہنز ٹیکنیک سوال چھ۔ اتھ سلسلس منز چھ یہ ون ضروری زسیا ہس منز چھ پرائین سنسکرت ڈرامہن ہندس سوتر دھار سند استعمال۔ یہ چھ شاید ہیتمہ سببہ تہ ضروری ز تکیا ز اتھ ڈرامہس منز چھ کینہہ تنھہ منظریم سٹیجیس پیٹھ ہاونی مشکل چھ گڑھان۔ امہ سببہ چھ راوی صرف یمن واقعن تہ منظرن ہند بیان کران۔ سٹیج لوا ز ماتو کئی چھ یہ ڈرامہ گو بے پہن۔ تکیا ز اتھ منز چھ واقعن ہند تہ گتار تہ کردارن ہند تہ۔ یہ نہ سٹیجیس پیٹھ و پتھ ہیکہ۔ امہ علاوتہ چھ مختلف پیہ تہ کینہہ واقعہ ہم صرف مکالمو ذریعہ برو نہہ کن پکان چھ۔ چناچہ علی محمد لون اوس نو کری کئی تہ ریڈیو ہس ستر وابستہ تہ تسندس ڈراما کتس منز تہ چھ ریڈیو ڈرامہن ہند ہیومز از پیہ مکالمس تہ باقی سماعی عنصرن تو ٹر پاد کرنہ خاطر واریاہ عمل دخل روزان چھ۔ ”سیا“ ڈرامہس منز تہ چھ ریڈیو یا ہی ڈرامہن ہندین عنصرن ہند دخل۔ ”ژھائے“ ڈرامہک لکھاری موتی لال کیمو چھ عملی طور نہ صرف سٹیجیس ستر وابستہ بلکہ چھ سٹیج ہونرن ہند تہ ماہر۔ مگر ”سیا“ ڈرامہکو پاٹھو چھ ”ژھائے“ تہ سٹیج کرن مشکل۔ تکیا ز اتھ منزیم منظر شہ بالن تہ شہ طوفان متعلق چھ تسند تو ٹر سٹیج پیٹھ و وتلاون چھ مشکل۔ حالانکہ تھین مشکل منظرن ہند تو ٹر و وتلاونہ خاطر تہ چھ اتھ منز مکالمنے کام ہینہ آثر۔ مثلن پیٹھ پاٹھو ”سیا“ ڈرامہس منز اسی مکالموتی ویتھ ہند گرزن تہ لوکن ہنز بد حالی و چھان چھ پیٹھ پاٹھو چھ اسی ”ژھائے“ ڈرامہس منز تہ مکالمو ذریعہ ہوس متنہ پتہ پر ہاسپورک تذب تہ و چھان۔ تکیا ز پیٹھ منظریم کرن اوس مشکل۔ غرض مکالمہ چھ دوشونی ڈرامہن منز خاص اہمیت تھاوان۔ کیموسندو اکثر ڈرامہ چھ سٹیج سپدو مگر ”ژھائے“ چھ اتھ معاملس منز سیٹھا پتھ۔ یوہے حال چھ ”سیا“ ڈرامہک تہ۔ وونی گو ”سیا“ ڈرامہس پیلہ علی محمد لون پانے ہندی زبانی منز ترجمہ کور تمہ پتہ آویہ سانگ اینڈ ڈرامہ ڈوجنہ طرفہ ملکہ کین مختلف علاقن منزیم کرنہ مگر کشیر منز چھنہ و نس تام تہ امیک اصل کاشر رنگ سٹیج کرنہ آمت۔ امہ حسابہ ہر گاہ وچھویم دوشوے ڈرامہ چھ گنہ حدس تام تھیر کہ ٹیکنیک ہند غلبہ نش آزاد۔ بلکہ ہر گاہ یمن دوشونی ڈرامہن اسی صرف ادبی ڈرامہ ونوتہ گڑھنہ غلط۔ یہ چھ ہیتمہ سببہ تہ صحی ز دوشونی ڈرامہن منز چھ تنھہ کینہہ واقعات تہ کردار موجود یمن باضے علاقن یا استعارابی مانعہ مہفوم پراوان چھ۔ غرض ”سیا“ چھ انسانی بجرک تہ تھزرک ڈرامہ تہ یہ کتھ چھ صحی ز ہر گاہ علی محمد لون ”سیا“ بغار کہنڑ تہ آسہ ہے نہ لیو کھمت تو تہ آسہ ہے کاشرس ادبس منز خصوصاً ڈرامہ نگاری منزیمس اکھ بوڈ مقام حاصل تہ موتی لال کیمو چھ برابر تہ ڈرامہ لیکھان مگر پنے ”ژھائے“ ڈرامہ ستر یوت سہ ڈرامہ نگاری ہندس مادانس منز مشہور سپد تیوت سپد نہ پیہ گنہ ڈرامہ ستر سانس ڈرامہ تو اترخس منز چھ ہم ز ڈرامہ اکھ میلہ کنہ ہنز چھ پیٹھ تھاوان۔

مقصد

”سیا“ تہ ”ژھائے“ ڈرامہک ہشر۔

”سیا“ تہ ”ژھائے“ ڈرامہس منزین۔

”سیا“ سند کردارچ ویرھنے۔

”سیا“ تہ ”ژھائے“ ڈرامچ ہنز تواریخی اہمیت۔

مؤخر سوالات

سیا تہ ژھائے ڈارہمن منز درینٹھکی گڑھونس ہشرس کرو ویرھنے؟

سیا تہ ژھائے ہم پلہ تواریخی ڈراما آسنہ باوجود چھ دوشوے ڈراما موضوعی اعتبار اکھ اکس نش بیون، اتھ کتھ کرو وضاحت؟

سیا ڈامہس منز چھے ژھائے ڈراما ہس مقابلہ پڑھ گنان اتھ کتھ ستر چھا تو ہہ اتفاق؟

سیا ڈامہس منز چھے ژھائے ڈراما کس راز لتادتیہ مقابلہ راجہ اوتی ورمن رعایا پرور تہند کیا خیال چھ؟

سیا تہ ژھائے ڈرامہن منز چھ دوہیہ قسمکو موسمی حالات ووتلا ونہ آتھ کتھ کرو وضاحت؟

کتا بیات

امرالموہی، موتی لال کیوسنر ڈرامہ نگاری، وکھنے تہ ویرھنے 1999

بامزے پی این کے، اے ہسٹری آف کشمیر، مٹروپالٹن بک ہاوس، نو دہلی 1962

پروفیسر مجید مضمیر، علی محمد لون، ہندوستانی ادبکو معمار، ساہتہ اکادمی نو دہلی 1998

پروفیسر مجید مضمیر، کشمیری ڈرامہ اور فلشن، بک میڈیا، سرینگر، 1999

رتن لال شانیت، کاشرس ڈرامہس منز جدیدیتھ، انہار، ڈرامہ روایتھ تہ تجر بہ، 1999

علی محمد لون، پوت منظر، سِیا، باز تلاش و ہار، 1971

موتی لال کیمو، زان، ژھارے، دلایت پرنٹنگ پریس، سرینگر 1972

ناجی منور، شفیع شوق، کانسٹراکٹو آرٹس کانسٹیٹیوٹ، کشمیر یونیورسٹی، سرینگر 1992

ہری کرشن کول، کانسٹریکٹو ڈرامہس منظر کردار سنز شناخت، انہار، 1999